



UNIVERSITÄTS-  
BIBLIOTHEK  
PADERBORN

**Vitæ Pontificum Romanorum**

Ex Antiquis Monumentis Collectae

**Sandini, Antonio**

**Bambergae, 1753**

LXXIV. Joannes IV. Anno Christi 640. Heraclii Imperatoris 31.

---

[urn:nbn:de:hbz:466:1-65446](#)

raclius Imperator, auctore Sergio, Fidei  
Ethesim; id est expositionem, promulga-  
vit Indictione XII. hoc est, anno Chri-  
sti 639. quā unicam Christi operatio-  
nem & voluntatem asseveravit qui-  
dem, sed quasi aliud agendo: cūm  
discretè ac palam constitueret, ne quis  
tam unam, quam duas operationes &  
voluntates nominaret in Christo. Ethesis  
exstat Secretario 3. Concilii Lateranensis  
celebrati à Martino I. apud Labbeum tom.  
6. Conc. pag: 195. & apud Baronium ad  
an. 639. §. 8.

(2) Docet id S. Martinus Pontifex in  
Concilio Lateranensi apud Labbeum tom.  
6. Conc. pag. 210.

## LXXIV.

**JOANNES IV.**  
ANNO CHRISTI 640.  
HERACLI IMPERATORIS 31.

JOANNES IV. Vetantii Schola-  
stici filius, Dalmata, anno 640. Pag. an.  
pridie diem Natalem Christi Domini 639. §.  
consecratus est. Antequam conse-  
craetur, datæ ab Episcopis & Pres-  
byteris Scotiæ ad Severinum deces-  
sorem suum, sibique redditæ episto-  
læ respondens damnavit quosdam  
illius provinciæ incolas, Pascha ce-  
lebran-

lebrantes more Hebræorum, admo-  
nuítque reviviscentem in eadem re-  
gione Pelagii hæresim cavendam di-

Bar. an. ligenter. (1) Pontificatu inito ha-  
640. §. 1. buit Romæ Concilium, in quo erro-  
3. 4. Pag. rem Monothelitarum, atque errori  
§. 2. 3. faventem *Ethesim* Heraclii confixit  
anathemate. Doctrinam Honorii  
Pontificis, cuius epistolis abureban-  
tur Monothelite ad defendendam  
hæresim suam, ostendit consentien-  
tem rectæ Fidei, eumque purgavit  
scripta ad Constantinum filium He-  
racpii atque successorem epistolæ: quā  
rogavit illud etiam, ut *Ethesim* re-  
Bar. an. scinderet. (2) Neque id petiit fru-  
641. §. 2. stra. Namque mortuo Patre Con-  
Pag. §. 4. stantino, Constans ejus filius *Ethe-*  
11. *sim* igni tradidit. Anno 642. V. Ides  
Octobr. diem functus, annum unum  
mensis novem, dies duodeviginti Pon-  
tifex fuit.

### ANNOTATIONES.

(1) Epistola illa, quam recitat Labbeus  
tom. 5. Conc. pag. 1717. & Baronius ad  
an. 659. §. 6.

Pagi ad an. 590. §. 8. Existimat Ba-  
ronius (ad an. eundem 590. §. 10.) post  
electionem Romani Pontificis curam Ro-  
mana

manæ Ecclesiæ non electum Pontificem solum gessisse, sed quatuor simul ejusdem Ecclesiæ ministros sacros, *quod colligit* ex epistola Romani Cleri ad Scotos redditæ, cùm sedes vacaret morte Severini Pontificis, electusque in locum ejus esset Joannes IV. sed nondum consecratus. *Eius* (Epistolæ) *principium est*: Dilectissimis & Sanctissimis Thomiano &c. Hilarus Archipresbyter & servans locum sanctæ Sedis Apostolicæ Joannes Diaconus & in Dei nomine electus; item Joannes Primerius, & servans locum sanctæ Sedis Apostolicæ, & Joannes servus Dei, Consiliarius ejusdem Apostolicæ Sedis. *Verum rerum gerendarum potestas vacante Sede fuit* penes Archipresbyterum, Archidiaconum, & Primicerium Notariorum, *nisi contin-* geret, ut ex illis tribus unus eligeretur Pontifex: *tunc enim quartus substitue-* batur: *Et* Archipresbyter, aut Archidia- conus, qui nomine Diaconi s̄ape exprimi- tur, suum locum servabant, ut liquet ex laudata epistola, in qua Joannes IV. Dia- conus secundo tantum loco nominatur, lit- cèt Pontifex electus esset. *Profecto se* servare locum Sedis Apostolica jure elec- tionis ei competiisset, primo loco nomina- tus fuisset. *Electo itaque nihil fuit juris* ad res gerendas, donec ordinaretur, ra- tione electionis sua, nisi ante eam inter

Servantes locum Sedis Apostolicae *connumeratus esset.*

Archipresbyter, Archidiaconus, & Primicerius Notariorum, non tantum vacante Sede, sed etiam absente summo Pontifice Ecclesiam Romanam administrabant. Extat in capite 2. Libri Diurni Romanorum Pontificum, titulo I. formula litterarum ad Exarchum De Transitu Pontificis scribi solitum, in qua hac leguntur: Superscriptio. Domino Excellentissimo atque præcellentissimo, & à Deo nobis longæviter in principalibus ministeriis feliciter conservando III. Exconsuli, Patricio, & Exarcho Italiæ, III. Archipresbyter, III. Archidiaconus, III. Primicerius Notariorum servantes locum sanctæ Sedis Apostolicæ: ubi III. idem est, quod hodie apud nos N. cum scilicet locus nominis indicatur.

Garnerius in notis ad Librum Diurnum Romanorum Pontificum, cap. 2. tit. I. pag. 9. in memorata à Pagio *inscripione* Epistolæ Romani Cleri *notat*, Joannem, licet electum in Romanum Pontificem, secundo tamen post Archipresbyterum loco inscribi, unde quatuor constant. Primum, electo nihil fuisse juris ad res gerendas, donec ordinaretur. Alterum, quando atate Exarchorum, atque etiam antea, cum Gothi regnarent, dicitur aliquam-

din

din vacâsse Apostolica Sedes, tempus non ab obitum Pontificis ad electionem successoris, sed ad ipsius ordinationem compundandum: vix enim electio post triduum protracta est, cùm schismata non fuerunt. Tertium peculiare fuisse privilegium Gregorii Magni, & consequentium non nullorum, quod Clero annuentie res administraverint ante Ordinationem. Postrem, tunc electum in litteris non se Pontificem Romanum inscripsisse, sed Electum. Vide Mabillonum Comment. in Ordinem Romanum cap. 17. annotat. 1. ad Pelagium 1. & annotat. 2. ad Eugenium I.

(2) Joannes IV. in eadem epistola seu Apologia pro Honorio, apud Labbeum tom. 6. Conc. pag. 1759. Sergius Patriarcha predicto sanctæ recordationis Romanae Urbis Pontifici (Honorio) significavit, quod quidam in Christo duas contrarias dicarent voluntates: quo prefatus Papa comperto rescripsit ei, quia redemptor noster sicut esset Deus perfectus, ita esset & homo perfectus, ne quam primus homo per pravaricationem amisit, sine aliquo peccato natus prima imaginis nobilem originem renovaret. Et idcirco unam voluntatem secundum primam formationem Ad naturalem humanitatis sua

*Dominus noster IEsus Christus habere dignatus est, non duas contrarias, quemadmodum nunc nos habere dignoscimur, qui de peccato sumus Ada genii.... Predictus ergo successor meus docens de mysterio Incarnationis Christi dicebat non fuisse in eo, sicut in nobis peccatoribus mentis & carnis contrarias voluntatis quod quidam ad proprium sensum convertentes, Divinitatis ejus & Humanitatis unam cum voluntatem docuisse suscipiati sunt; quod veritati omnimodis est contrarium.*

## LXXV.

## THEODORUS I.

ANNO CHRISTI 642.  
CONSTANTIS II. IMPERAT.

Pag. an.  
641. §.  
12.

**T**HEODORUS Græcus anno 642. ante diem octavum Kal. Decembr. in locum Joannis IV. subrogatur. Patrem Episcopum eodem quo ipse est, nomine habuit. De Ethesi abolenda plurimum laboravit, datis ad Paulum Episcopum Constantinopolitanum Synodicis litteris, quibus & Pyrrhi causam examinari jussit. (1) Eundem Pyrrhum Ro-

mam